

SIARAN AKHBAR

Bahagian Hal Ehwal Awam dan
Komunikasi Korporat Kumpulan
Lembaga Tabung Haji
Lantai 16, Bangunan Tabung Haji,
201, Jalan Tun Razak, 50732 Kuala Lumpur
Tel : 03 2054 2132
Faks : 03 2164 0436

Tabung Haji Contact Centre
Tel : 03 6207 1919
Faks : 03 7728 4959

www.tabunghaji.gov.my

GUNA PERKHIDMATAN DALAM TALIAN SEMASA PKP – TABUNG HAJI

KUALA LUMPUR, 24 Mei 2021 – Transaksi melalui platform dalam talian jelas menjadi pilihan pelanggan Lembaga Tabung Haji (**TH**) apabila hampir 80 peratus dari jumlah keseluruhan transaksi kewangan berlaku dalam talian.

Sehubungan itu, **TH** menyarankan agar para pendepositnya terus meningkatkan penggunaan perkhidmatan dalam talian sepanjang tempoh pelaksanaan Perintah Kawalan Pergerakan (PKP) bagi mengurangkan interaksi bersemuka di kaunter cawangan **TH** seluruh negara berikutan penularan Covid-19 yang amat membimbangkan pada masa kini.

Tuan Haji Mustakim Mohamad, Pengarah Eksekutif Operasi berkata para pendeposit dinasihatkan agar menggunakan perkhidmatan dalam talian disediakan oleh **TH** iaitu THiJARI. THiJARI merupakan perkhidmatan dalam talian yang dilancarkan pada awal tahun lalu bagi memudahkan para pendeposit untuk melakukan transaksi dan menerima perkhidmatan **TH** secara atas talian seperti menyemak akaun, mencetak penyata, pindahan wang, perkhidmatan berkaitan haji termasuk pendaftaran, surat tawaran dan rayuan haji serta turut memaparkan maklumat tentang Kelab TaHa.

“Para Pendeposit juga boleh melakukan transaksi di mesin pengeluaran tunai (ATM), mesin deposit tunai (CDM) dan Perbankan Internet empat rakan strategik **TH** iaitu Bank Islam, Bank Rakyat, Maybank dan CIMB Bank,” tambah beliau lagi.

TH komited dalam menggalakkan para pendeposit untuk melakukan transaksi secara dalam talian selaras dengan saranan Kementerian Kesihatan Malaysia dan Majlis Keselamatan Negara sebagai usaha membantu mengekang penularan wabak Covid-19 dari terus merebak.

Demi menyokong saranan Kerajaan, **TH** telah menambah lagi perkhidmatan melalui THiJARI di mana pengguna kini boleh melakukan pindahan simpanan dari mana-mana bank ke dalam akaun **TH** melalui FPX secara dalam talian dan masa nyata (*real-time*) tanpa perlu hadir ke cawangan **TH**. Pendeposit juga boleh membuat arahan pindahan simpanan tetap secara bulanan melalui e-Mandate FPX. Pengguna hanya perlu layari laman sesawang www.thijari.com.my atau aplikasi THiJARI untuk menggunakan perkhidmatan baru tersebut dan ia adalah percuma.

Pada awal bulan Mei 2021, simpanan terkumpul **TH** terus berkembang sihat kepada paras tertinggi sebanyak RM80 bilion dengan jumlah pendeposit aktif kira-kira sembilan (9) juta orang.

Untuk sebarang pertanyaan berkaitan perkhidmatan **TH**, orang ramai boleh menghubungi Talian Khidmat Pelanggan **TH** (THCC) di talian 03-6207 1919.

-Tamat-

LEMBAGA TABUNG HAJI

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini menyimpan wang untuk mengerjakan haji. **TH** mempunyai lebih 50 tahun pengalaman dalam perkhidmatan simpanan, haji dan pelaburan. Sebagai sebuah institusi haji terunggul negara, **TH** berusaha untuk mengukuhkan ekonomi umat Islam Malaysia dengan memanfaatkan dana dan sumber sedia ada. **TH** komited memberi perkhidmatan cemerlang dan memuaskan kepada semua Jemaah Haji Malaysia. Pencapaian **TH** yang konsisten telah mendapat pengiktirafan dunia sebagai model pengurusan haji inovatif. **TH** mempunyai lebih 9 juta pendeposit dan 123 cawangan dengan lebih 10,000 'touch-points' di seluruh negara. **TH** juga mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan Tabung Haji, sila lawati www.tabunghaji.gov.my atau hubungi Tabung Haji Contact Centre di talian 03-6207 1919. Keterangan lanjut mengenai siaran akhbar ini, sila hubungi:

Affan Aimaduddin Azami	Mohamad Naser Jaffar
Penolong Pengurus	Pengurus Kanan
Bahagian Komunikasi Korporat	Bahagian Komunikasi Korporat
Lantai 16, Menara TH Tun Razak	Lantai 16, Menara TH Tun Razak
201 Jalan Tun Razak	201 Jalan Tun Razak
Kuala Lumpur	Kuala Lumpur
Tel: 03 2054 2238	Tel: 03 2054 2451
Tel. Bimbit: 019 984 7138	Tel. Bimbit: 019 200 8438
Faks: 03 2164 0436	Faks: 03 2164 0436
Emel: affan.aimaduddin@lth.gov.my	Emel: naser@lth.gov.my